

钱塘诗刊

第二十期



钱塘诗社主办

二〇〇四年十月

钱塘诗刊

目 录

贺钱塘诗社成立二十周年	王春霖 2
钱塘诗社成立二十周年志庆	黄思维 2

献辞篇	5
沈信夫 陆景秋 侯国安	

抒怀篇	6
林贞木 萧征山 李文蔚 于钟珩 郑高菽	
时壬林 叶于润 谷世刚 王 见 李仕武	
潘小平 陆景秋 岳松乔 鞠 盛 陶 光	

山水篇	13
冯志成 毛谷风 黄祥麟 桂 枏 萧征山	
王春霖 鲍运达 范兆松 许秀凝 嵇发根	
董生茂 杨作飞 刘逸非 邓皓明	

酬赠篇	19
黄奎芝 毛谷风 周作仁 刘友竹 王春霖	
鲍运达 吴小铁 郭 鄂 郑竺英 李敏华	
朱裕成 贝闻喜 李信中 赵绍康	

纪念篇	25
熬作华 王春霖 李仕武 余汉武 黄寅谷	
陶光顶	

见闻篇	27
李师本 陶 光 毛谷风 童文祥 魏义有	
伯 仁	

社员作品	30
丁大钧 万静宜 马承先 山 月 孔汝煌	
毛大风 王斯琴 吕烈华 华承林 李清平	
沈淑影 陈惠荣 余秀珍 宋明辉 张青云	
张丛法 周明道 胡勤文 郭淑梅 俞浣萍	
夏洪华 涂宗玉 涂邦俊 涂寿汉 凌成澜	
章倚文	

诗词谈屑	66
吟边杂拾	柏 丽 66
读《南山集》论诗部分札记(选登)	左克安 70
说古谈今	72
《论李白杜甫齐名》	蔡文锦 72
从张明军的《流韵山庄》谈起	李祥麟 74
诗艺探索	77
在中华诗词第二届“青丰诗会”上的书面发言	张青云 77
我的诗观	张青云 80
序跋选刊	80
《亭桥词话》序	毛大风 80
《中药四百咏》序	周明道 82
《拜观楼剩草》序	周明道 83
诗词评议	84
雍容闲雅·工整平密	
——周明道诗词小议	陈景超 84
不尽婉曲 风骨无限	
——读龚映深《惜春四韵》小记	童文祥 85
诗词趣谈	87
从一则趣闻说起	欧阳秦 87
为诗史添一段佳话	马斗全 89
聂诗专辑	92
《聂绀弩百岁诞辰纪念集》初获诗友好评	92
读聂绀弩诗作想到的	山 月 93
读《聂绀弩百岁诞辰纪念集》	
漫赋谨呈大风丈教正	陈雪轩 95
聂绀弩先生百丰祭(二首)	谢发麟 95
杭州钱塘诗社 2004 年收费清单	97
社 讯	98



2003年钱塘诗社成立二十周年，由胡勤文社长宣布推选周明道为第一社长，俞浣萍为第二社长。会后摄影留念。

贺钱塘诗社成立二十周年

江西 王春霖

钱塘自昔誉繁华，今日珠玑百万家。
十景翻新颜雅韵，一城焕彩映明霞。
人文风物新华颂，山水林泉中外夸。
廿载吟坛旗猎猎，诗词曲赋笔生花。

钱塘诗社成立二十周年志庆

上海 黄思维

斯文未丧令人思，结社纷纷盛一时。
运动几番骨身换，嚶鸣何处心相知。
钱塘潮挟吟声远，西子湖添画景奇。
看取毫端擅风韵，更撷霞锦待来兹。



钱塘诗社与日本青山诗会缔盟大会

左起：翻译、周明道、俞浣萍、王斯琴、石川忠久



石川忠久在浙江大学西溪校区邵逸夫科技馆进行中
日汉诗交流，主讲《日本汉诗的魅力》

重訪杭州喜西湖新加勝景

十年三度訪杭州

喜得西湖景愈優

今日倩船游覽處

雷峯塔上夕陽收

石川忠久詩

一衣帶水本親和底事

當年戰伐多但願人民

持正義不教今後起風波

有咸中日程事即席呈

石川忠久先生

周明道



献辞篇

迎接甲申年

北京 沈信夫

大圣齐天久爱传，挑灯喜¹⁴甲申年。
政通国治人争颂，振笔题诗我独先。
步入小康只一夕，拓开西域任双肩。
神州处处升平舞，继往迎来仰众贤。

新年再温《三个代表》

北京 沈信夫

执政为民立党公，新年再读味无穷。
毕张治具军财学，条例施行先后中。
赵普休夸书《论语》，维扬独创此奇峰。
小康已是明朝事，笑待神舟访月宫。

崇文教育学院迎新年茶话会祝辞

九十衰叟 沈信夫

年年此际沐春光，廿载萦怀旧课堂。
燕子回巢知故垒，猴儿将至换新装。
群贤四座欣长健，《代表》三章实引航。
执政为民强富国，神舟指日会吴刚。

猴年畅咏

广东 陆景秋

柳媚花明莺燕逢，金猴火眼察寰中。
东西开发千般美，南北营谋一脉通。
固本强基人是本，扶农减负策兴农。
千钧棒喝残渣净，玉宇无垠挂彩虹。

采桑子·庆祝国庆五十五周年

太和 侯国安

金秋十月同欢庆，三代宏猷。科技丰收，征服星空跃上游。
金风正把黄金送，喜在心头。登上高楼，万里神州正好秋。

抒怀篇

封笔吟

扬州 林贞木

童子爱诗词，今登耄耋期。
高歌湔国耻，长啸拔倭旗。
朔重天飞雪，风狂花折枝。
口盲难握管，腹稿腹中撕。

谒金门·瞽叟漫思

林贞木

臻耄耋，鹄列儿孙绕膝，遗产财无金玉积，唯余诗数辑。 八
十五年岁月，历尽冰霜风雪。日薄西山分秒惜，目盲吟未歇。

南歌子·谢师友问疾

林贞木

遐迹多良友，往来无俗宾。一从病况报群伦，咸赐嘉言颂祷早
回春。 不惠诗干扰，期求目养真。为防吟咏累清神，深谢云情
体贴慰盲人。

同学留美临别赠以家乡槐根雕并题

湖南 萧征山

羡尔青云路，飘洋播锦茵。
殊方勤问道，此物慎蒙尘。
叶落山山雨，根留处处春。
儿时槐米饭，犹得望乡人。

齐天乐·题姜子牙磻溪垂钓图

萧征山

一竿闲处烟波媚，磻溪几多金鲤？岸草堆云，斜阳染笠，来共鱼儿游戏。河山梦里，便抛入经纶，够人无寐。未卜他年，鬓丝霜气重如此！
天风劲吹逝水，只渔蓑未抵，心上秋意。貌合通神，才能直钓，赢得功名馀事。鲜鳞数尾，快酒趁莼鲈，白头沉醉。换了沧桑，那时呼不起。

思佳客·五月十二日花圃诗词吟唱会

杭州 李文蔚

时雨时晴三月中，久违诸友喜重逢。饮茶赏景心情畅，即席吟诗兴致浓。
花灼灼，草茸茸，眼前处处郁葱葱。我来赴会欢无限，闲倚窗前诗笔锋。

西江月·吟唱会即事

李文蔚

木屋饮茶半日，新章朗诵千篇。歌诗似酒醉心田。老骥豪情不减。
室内温馨四溢，檐前细雨连绵。骚朋重晤笑谈喧，问暖嘘寒几遍。

敬谢杨荣观会长馈赠名酒“剑南春”

李文蔚

挚友为余贺诞辰，提前馈赠“剑南春”。
眼观厚礼觉情笃，鼻嗅浓香爱酒醇。
佳日清樽将共举，明时友谊愿恒珍。
钟期已遇三生幸，异地乡音倍感亲。

甲申初夏登览滕王阁和盛元

新疆 于钟珩

万里乘风至，登楼摩碧空。
兴亡留史迹，肺腑吐由衷。
故郡尘氛老，新城灯酒红。

抚时增百虑，风雨满寰中。

甲申夏月再游杭城书感

于钟珩

又向钱塘续醉吟，烟岚花气沁青襟。
风摇柳浪千重翠，夕照鳞波万点金。
螺黛轻描山影淡，酒帘自诩岁时深。
销金未必成陈迹，一勺清湖鉴古今。

读陈逸老《七厠楼诗》敬呈数绝

郑高菽

二月春风销嫩寒，清歌一曲起清欢。
等闲纸上烟云气，中有心潮百尺澜。
先生辟地远浮埃，长近芝兰蕴逸才。
时发浩歌啸碧野，还从肺腑悯蒿莱。
清新逸致有梁音，沉郁苍凉系慨深。
正是山村藏大雅，琴江浪起蛰龙吟。
书生无计戍轮台，壮志销磨付劫灰。
一片真心空许国，只遗梦咏陇头梅。
春风一曲镂云篇，别样清愁动性天。
为有襟怀湖海气，寻常俚句自凌烟。

望月有怀逸菽先生

郑高菽

天高月朗意阑珊，已过清明夜不寒。
千里云山存硕望，一身逸气领骚坛。
感怀遥发清江雨，鲤素远招碧海澜。
本草生涯知苦辣，仁心炼得九还丹。

写于先生生前，还沉吟未发，已闻仙逝

寻 幽

郑高菽

石径弯弯穿乱云，山花一路伴清薰。
为趋泉韵寻幽壑，不觉迷途入碧雰。

毛泽东同志曾劝许世友将军《红楼梦》要读五遍， 夜梦奇景，感悟有作

平湖 时壬林

《红楼》千古是奇文，众说参差不合群。
天下文明与时进，人间正道逐流分。
开宗“好了歌”明义，收卷“芙蓉泪”鉴殷。
忆昔劝君五回读，何来神妙梦中闻？

读《七厕楼诗草》至“文革四题”

寿宁 叶于润

秦火燎原万类焦，啼痕入梦亦魂销。
先生却作登台论，谁□深为《七厕》骄。

玉簪秋·京都重会亲友

山东 谷世刚

喜会华京酷暑天，盛宴杯盘，谈笑无间。品茶絮语月当轩，语也缠绵、情也缠绵。风雨苍桑话昔年。拼奋何艰，生计维艰。而今富裕已非前，看也心欢，想也心欢。

春 兴

谷世刚

一

柳丝黄嫩浅，榆结碧钱多。
莺燕斜空剪，红香绿映波。

二

溪桥姑嫂过，就舍绮楼多。
活野农机手，迂回种稻禾。

西溪春早

王 见

清溪百折水流东，草尚蒙寒柳带风。
才见悬崖春意暖，桃花先放一枝红。

胡杨树

王 见

不怕风沙不计边，风摧雨打自悠然。
立身非是图安乐，愿绿人间一片天。

老舍先生衣带吟

王 见

当年惆怅意何如？一片丹心竟受诬。
愿学灵均求解脱，君投汨水我投湖。

武陵源新风

王 见

两岸桃花流水红，游春男女笑从容。
眼前顿觉时风变，洞口常开不再封。

千年铁树蕊花开

湖南 李仕武

千年铁树两胞花，唯见欢言众口夸。
美景奇观今眼见，风流自古展英华。

春游即兴

温岭 潘小平

春日寻芳画里行，绿阴深处赏风情。
黄莺似识归来客，屡作殷勤悦耳鸣。

长屿双门硿消夏

温岭 潘小平

烈日炎炎曲径幽，清凉石窟喜遨游。

松涛叠嶂迷人处，把酒高吟醉不休。

文山文笔峰

温岭 潘小平

文笔奇峰向碧空，白云为纸写飞鸿。
于今欲蘸天河水，横扫神州腐败风。

登 高

陆景秋

朗朗黄金日，茫茫沃野葱。
淡云迷远树，逝水送征篷。
旧雨敲修竹，离人听暮钟。
临高情脉脉，寄语托秋鸿。

对月抒怀

陆景秋

万里关山举目看，中宵高挂水晶盘。
茫茫云路重宵远，寂寂星河宇际宽。
实现飞天生伟大，敢为登月持尖端。
嫦娥莫再伤孤寂，且待“长征”探广寒。

欢呼我国载人宇宙飞船神舟号发射成功

陆景秋

神舟脱颖遨长空，运罢乾坤气贯虹。
华夏英才齐努力，池中得雨起蛟龙。

鹧鸪天·新竹旧事（选三首）

安徽 岳松乔

秋冷潇湘竹百竿，繁华过眼似云烟。茜纱帐里人何在，凤尾森森画栋闲。诗柬内，曲桥边，亦曾私语话缠绵。何当共化斑斑竹，长伴荒山青埂前。（潇湘馆之竹）

成竹在胸八怪传，琳琅满纸起云烟。只缘身在竹林内，宁晓风尘障雨天。等洒脱，意颠连，卸官知县折翎还。大千世界时风

黯，画竹扬州民瘼牵。（郑板桥之竹）

凰竹箫声带泪寒，吴门乞食亦堪怜。昭关一夜须眉白，无限忧思肺腑煎。箫断续，志弥坚。男儿八尺仗龙泉。挥戈跃马终克郢，怒击王尸三百鞭。（伍子胥吹箫之竹）

落实政策为我恢复党籍户口进京办理离休感赋

北京 鞠 盛

（一）

少小常悲世不均，慨然投笔请长缨。
难忘广野驱羆虎，更忆深牢斗犬鹰。
袒右何辞身作靶，服劳岂惧鬼为邻。
都门廿载甘瓢饮，不信东风不解冰。

（二）

屡扣天门帐未开，不期天使自天来。
室花迎客香争溢，老伴斟茶泪暗揩。
枯木逢春颜再绿，涸鱼得水翅重排。
端知天意怜幽草，野火频烧骨未埋。

（三）

喜见吾华日日新，诸多隐患亦堪惊。
城狐有恃全无恐，处士无权独有心。
岛客跳梁辄借虎，东邻嗜战欲穷兵。
宫嗟楚馆人争醉，一曲狂歌掷万金。

（四）

初启童蒙读圣贤，冰心一片照河山。
岂容作品沦商品，敢换清泉荡浊泉。
两鬓垂垂难返黑，满腔汨汨尚流丹。
书生谁说一无用，笔扫群魔责未完。

巢湖诗词学会为我做虚八十贱寿戏赋

陶 光

吾年八旬尚缺一，宛如残焰风前烛。
诸公恐余等不及，为我提前做生日。

人生寿命难预料，今人年多逾八十。
明年或许余尚在，弟子应为我再祝。
后年余方八十整，家人定在坟前哭。

读《圣经》二首

耐心读圣经，万劫莫能湮。
满纸皆神话，嘉言诱世人。

吾不非宗教，亦终不信神。
钟情惟祖国，无意弃凡尘。

读《陈独秀诗存》题句

由来神训有规章，窝斗争权史久长。
我只同情非仰慕，绝知极恶是秦皇。

山水篇

当阳名山四题

湖北 冯志成

房陵（神农架）西支为当阳屏，入当阳境凝成青溪、云梦、玉泉、紫盖诸奇峰，袁中道云：玉泉尊特，紫盖宽博，青溪秀媚。紫盖、青溪原为道家仙府，今毁；玉泉为佛家古刹，尚存。

三楚名山矗鄂西，堆蓝盖紫秀青溪。
往来陶谢抒情志，无限风光任品题。

玉泉山寺

堆蓝叠翠笼轻烟，漱玉喷珠年复年。
古刹钟声招远客，棱金铁塔倒书天。

紫盖葛玄炼丹处

房陵迢迢似游龙，西脉延绵凝紫峰。
三十三天道场古，今人尤说葛仙翁。